

खबरां नाटयपाल कोला

- लोकसभा चुनाएं गिततै प्रचार जोंरें-शोंरें कन्नै चला रदा ऐ। चौथे गेड़ तैहत 10एं राज्यें ते 1 केंद्र शासित प्रदेश च फैली दिएं 96 सीटें लेई 13 मई गी वोट पाए जाडना।
- लोकसभा चुनाएं दे 6में गेड़ गितै 58 संसदीय सीटें लेई 25 मई गी वोट पाए जाडना।
- विदेश मंत्री डॉ. एस. जयशंकर ते मालदीव दे विदेशमंत्री मूसा जमीर होंरें अज्ज नमीं दिल्ली च इक मीटिंग दौरान भारत मालदीव दपकखी सरबंधें, इलाकाई ते सुरक्षा मुद्दे कन्नै सब्बे पैहलुएं पर चर्चा कीती।
- रक्षा सचिव गिरिधर अरमानें होंरें जोर देइयै आखेआ ऐ जे रक्षा क्षेत्र च मूल ढांचे दे विकास लेई आत्मनिर्भरता बड़ी मती जरूरी ऐ की जे मुल्ख होरनें दे भरोसे नेई रेई सकदा।
- मुल्खे च एल्लै बड़ी भारी गर्मी पवा'रदी ऐ।

<><><><><><>

Capaigning- 4th Phase

लोकसभा चुनाएं लेई चुनां प्रचार जोंरें-शोंरें कन्नै चला करदा ऐ। चौथे गेड़ तैहत इस म्हीने दी 13 तरीक गी दस्सें राज्यें ते इक केंद्र शासित प्रदेश दी 96 सीटें पर वोट पाए जाने ना। इस गेड़ लेई 1 ज्हार 717 मेदवार मुकाबले च खड़ोते देना। तेलंगाना च बी चुनां प्रचार तेजी कन्नै चला करदा ऐ कीजे 13 मई गी होने आहले मतदान लेई चुनां प्रचार गितै छड़े 3 दिन गै नरेई गेदे ना। सब्बनें मुख पार्टीयें दे बड़डे लीडर अपने मेदवारों दे हक च समर्थन मंगा करदे ना। भारतीय जनता पार्टी दे लीडर ते केंद्री मंत्री अमित शाह होर अज्ज गंभीर लोकसभा हल्के च प्रचार करा करदे ना। कांग्रेस दे लीडर राहुल गांधी होर बी तेलंगाना च चुनां प्रचार करा करदे ना। ओह् नरसापुर च जन जात्तरा सभा च हिस्सा लै करदे ना। संझा हैदराबाद कोल सरोर नगर च राहुल हुंदा इक्क जनसभा च भाषण देने दा प्रोग्राम ऐ। बी.आर.एस दे प्रमुख ते साबका मुखमंत्री के. चंद्रशेखर राओ होर अज्ज कमीशनर च प्रचार करा करदे ना। एहदे कोला पैहले कल्ल प्रधानमंत्री नरेंद्र मोदी होंरें कमीशनर ते वारंगल लोकसभा हल्के च दऊं जनसभाएं च भाषण दित्ता। मोदी होंरें आखेआ जे भ्रष्टाचार गी लेइयै कांग्रेस ते बी.आर.एस बश्कार अन्नवृट गठजोड़ ऐ।

<><><><><><>

UP-Poll

उत्तर प्रदेश च जोंरें-शोंरें कन्नै चुनां प्रचार चला रदा ऐ। भारतीय जनता पार्टी दे सीनियर लीडर ते पार्टी अध्यक्ष जे.पी. नड्डा होंरें अज्ज चित्रकूट च इक चुनां रैली गी संबोधित करदे होई आखेआ जे जनता प्रधानमंत्री नरेंद्र मोदी गी पूरा-पूरा समर्थन देआ रदी ऐ ते ओह् त्री बारी प्रधानमंत्री बनने आहले ना। उनें फतेहपुर च इक होर चुनावी रैली गी संबोधित कीता। एहदे मगरा ओह् लखनऊ, उन्नाव, मोहनलाल गंज ते रायबरेली लोकसभा चुनां हल्के च पार्टी दे सीनियर पदाधिकारिं कन्नै इक मीटिंग लाडना। दुए पास्सै, समाजवादी पार्टी दे अध्यक्ष अखिलेश यादव होंरें बहराइच थाहर रैली गी संबोधित कीता ते आखेआ जे बीजेपी मुल्खे दे युवाएं ते करसानें दे खलाफ कम्म करा रदी ऐ। अनें दोशहरा ते लखीमपुर खीरी थाहर बी चुनां प्रचार कीता। कांग्रेस दी महासचिव प्रियंका गांधी वाडरा होंरें रायबरेली च चुनां प्रचार कीता। बहुजन समाज पार्टी दी प्रमुख मायावती होंरें बी कन्नौज जिले च इक रैली गी संबोधित कीता।

<><><><><><>

KP-Polling

भारतीय चुनां आयोग नै 13 मई गी श्रीनगर लोकसभा सीट लेई चौथे गेड़ च चुनां गितै जम्मू च कश्मीरी विस्थापितें लेई कोई 23 मतदान केंद्र जिस च मकामी प्राधिकरणें पास्सेआ दऊं बाहू केंद्र बनाए गए ना। आधिकारिक सूत्रें मुजब चुनां आयोग नै एह् केंद्र बनाए न ते दो बाहू केंद्र आयोग आस्सेआ तैय दिशा-निर्देश मताबक 1500 मतदाताएं कौलां मते लेई खडेरें गे ना। सूत्रें आखेआ ऐ जे श्रीनगर पार्लियामानी हल्के लेई कोई 13 ज्हार कोलां मते कश्मीरी पंडतें दा पंजीकरण होई गेदा ऐ जेजे जे जम्मू दे बक्ख-

बकख हिस्सें च बनाए गेदे कोई 23 मतदान केंद्रें च अपना वोट पाडना तोआई कश्मीरी पंडतें मतदाताएं दे 473 पोस्टल बैलेट्स गी श्रीनगर च रिटर्निंग अफसर कौल भेजी दिस्ते गे ना

<><><><><><>

LS-Poll 6th Phase

लोकसभा चुनां दे 6^{में} गेड़ लेई अपनी मेदवारी वापस परताने दा अज्ज खीरी ध्याड़ा ऐ। 6 राज्यें ते इक्क केंद्र शासित प्रदेश च कुल 57 पार्लियामानी हल्के च इस म्हीने दी 25 तरीक गी मतदान होगा। इस गेड़ च दिल्ली दिएं 7 सीटें, हरियाणा दी 10 सीटें, उत्तर प्रदेश दिएं 4 सीटें, बिहार ते पच्छिम बंगाल दिएं 8-8 सीटें, ओडिशा दिएं 6 सीटें, झारखंड दिएं 4 सीटें पर वोट पोआए जाडना अगले म्हीने दी 4 तरीक गी सब्बे गेड़ें लेई वोटें दी गिनतरी होगा।

<><><><><><>

EAM-Remarks Road

विदेश मंत्री डॉ. सुब्रहमण्यम जयशंकर होंरें अज्ज नमीं दिल्ली च मालदीव दे विदेश मंत्री मूसा जमीर हुंदे कन्नै मुलाकात कीती ऐ। मीटिंग दौरान डॉक्टर जयशंकर होंरें आखेआ जे नेड़े दा गुआंडी होने दे नाते दौनें मुल्खें बश्कार आपूं चे दे हितें ते संवेदनशीलता कन्नै सरबंध मजबूत होंदे ना। उनें आखेआ जे एह् अभिव्यक्ति गोआंडी गी पैहल देने आह्नी नीति ते सागर मिशन च ए। विदेश मंत्री होंरें आखेआ जे भारत मालदीव दे विकास च मुख् भूमिका नभांदा रेया ऐ। बुनियादी ढांचा परियोजनाएं ते सामाजि सरोकार सवां लेइयै मेडिकल सहायता देइयै मालदीव दे लोकें दे जीवन दी गुणवत्ता च भारत नै सिद्दा योगदान दिता ऐ।

<><><><><><>

DRDO-Symposium

रक्षा सचिव गिरिधर अरमाने होंरें रखा दे क्षेत्र च आत्मनिर्भर बनने पर जोर पाया ऐ। उनें आखेआ ऐ जे मुख् इस क्षेत्र च दुएं दे भरोसे नेई रेई सकदा। अज्ज नमीं दिल्ली च रक्षा शोध ते विकास संगठन दी राश्ट्री विचार गोष्ठी ते नमैश दे शुरूआती सत्र दा उद्घाटन करदे होई अरमाने होंरें आखेआ जे आत्मनिर्भरता छड़ा इक्क नारा नेई ऐ, सगुआं एहदा राश्ट्र दे आर्थिक विकास च बड़ा महत्व ऐ। आत्मनिर्भर बनने कन्नै बुनियादी ढांचे दी पूंजीगत लागत च कमी औंदी ऐ। यूक्रेन लेई अमरीका आस्सेआ सहायता च चिर लगने दी मसाल दिंदे अरमाने होंरें आखेआ जे दुनिया दी भू-राजनीति च कोई बी भरोसे योग दोस्त-मित्र नेई होंदा ते देश दुएं पर निर्भर नेई रेई सकदा। उनें रक्षा क्षेत्र च नमीं काड्डें ते उन्नत टेक्नोलोजी आह्ने उपकरणें दी जरूरत पर जोर पाया। रक्षा सचिव होंरें आखेआ जे एह् विचार गोष्ठी बुनियादी ढांचा विकास लेई प्रौद्योगिकी दी बरतून पर सोच-विचार ते सब्बनें धड़ें गी इक्क मंच पर आनने दी महतवै आह्नी कोश्ट ऐ। डी.आर.डी.ओ दे प्रमुख डॉ. समीर वी कामत होंरें आखेआ जे विस्फोटकें दे भंडार लेई टेक्नोलोजी मूल ढांचे दी लोड़ ऐ।

<><><><><><>

IMD

तापमान च बाढ़ा होने कन्नै गै मुख् च एल्लै बड़ी मती गर्मी पवा रदी ऐ। 1940 दे मगरा सवां अप्रैल म्हीने च एह् सारें शा मती गर्मी पवा रदी ऐ। भारतीय मौसम मैहकमें मुजब एल्लै तापमान सामान्य सवां 2 सेल्यिस उप्पर चला रदा ऐ। उआं पूर्वी भारत च बरखा करी गर्मी च थोड़ी राहत मिली ऐ पर पच्छमी भारत पूरी चाल्ली लू दी गिरफ्त च ऐ जेदे च राजस्थान ते गुजरात शामिल ना। मौसम मैहकमे नै औने आहले दिनें च होर मती गर्मी पौने दे आसार दस्से ना। आकाशवाणी समाचार कन्नै गल्लबात करदे होई मौसम मैहकमे दे सीनियर वैज्ञानिक आर.के जिनामणि होंरें आखेआ जे अगले 5-7 दिनें च तापमान 40 डिग्री सैल्यिस सवां बढ़ होई सकदा ऐ।

<><><><><><>

Kulgam-Encounter

भारतीय सेना नै कुलगाम जिले दे रेडवानी पाइन च 40एं घंटें मगरा आतंकवादियें कन्नै चले दे टाकरे गी समाप्त करी दिता ऐ। इस टाकरे च 3 आतंकवादी मारे गे ना। भारतीय फौज दी चिनार कोर नै एक्स पर इक्क पोस्ट करियै आखेआ ऐ जे कुलगांव दे रेडवानी पाइन इलाके च 6-7 मई गी रातीं शुरू कीती गेदी सांडी कार्रवाई तकरीबन 40 घंटें दी निगरानी मगरा समाप्त करी दिती गई ऐ।

<><><><><><>